



Aqqalu C. Jerimiassen

UPA 2022/70-1

Atassut

10. Maj 2022

Inatsisartut aalajangiiffigisassaattut siunnersuut Inatsisartunut Siulittaasoqarfik partiit tapiissutaat pillugit inatsimmi allannguutissatut siunnersuummik saqqummiussinissaat Namminersorlutik Oqartussani ukiumut sipaaruteqartarnissaq aammalu partiit akunnerminni aningaasatigut naligiinngissuseq annikillisarnissaa siunertaralugu. Partiinut tapiissuteqartarneq pillugu inatsimmi allannguutissatut siunnersuuteqarnermi suliniutit uku ilaatinneqassapput: 1. Partiinut tunngaviusumik tapiissutit ukiumut 1 million kr.-mut qaffanneqassooq 2. Qaffasinnerpaafissaanut killiliussaq atuutsinneqalissaaq taamaasilluni annertunerpaamik qinigaatitanut tapiissutigineqartartoq qinikkanut arfinilinnut killiliunneqarluni. Inatsi 1. januar 2024 atuutilersinneqassaaq

(Inatsisartunut ilaasortaq Jens-Frederik Nielsen, Demokraatit)

Partiit maannakutut ilusilimmik taperneqartarnerat oqaluserissallugu piffissanngorsimasooq malunnarpoq, taamaattumilu pissusissamisoorpoq inatsisartuni eqqartussallugu maanna partiit taperneqarnitta inissisimanerata qanoq ilusilerniarneqarsinnaalernissaa.

Toqqammaviatigut paasinarluarpoq, siunnersuuteqartup taammagu partiit akornganni unammilleqatigiissinnaaneq piunngilluinnartoq aningaasaliisarnikkut nikingassut taama annertutigitiillugu.

Siornatigullu partiit akiitsoqartarsimanerat eqqaaneqarmat, akiitsunullu apparsaaniarneq siunertaralugu qaffaasoqartarsimassappat, ila qanormitaavaana aningaasaqarneq aqukkuminaassimatiginermat taamarsuaq akiligassanittarsimasut. Qujanarli piffissaq maanna allaammat.

Maanna nalilersuissalluni piffissanngormasimavoq, ullutsinnilu aningaasap nalinga eqqarsaatingalu partiinut tapiisarnermi aaqqissuussisariaqalernissaaq eqqortuuserinarpoq. Taamatuttaarlumi annertussusaasa ilumut taamannak iluseqartariaqarneri eqqartussallugu pisariaqarpoq, periuseq una maanna atuuttoq atuinnaaneripput, imaluunniit nutaarluinnarmik periutsimik peqalissanersoq.

Ilaatigut oqartoqarniartaraluarpoq innutaasut ilaannit, partiit tapiissutai ilumut pisariaqarnerisut. Eqqaamasassarpulli ataaseq tassaavoq, partiit siunnersuuteqartarnerminni allaffimmioqanngikkunik suliat, siunnersuutit oqallisissiallu pitsaassusaata appariaateqapiloorsinnaanera ernumanartoqarsinnaammat.

Taamaattumillu qulequtaasoq soqutiginaateqarmat, eqqartorneroqqissallugulu ammaffigigatsigu Atassummiit allannguutissatut siunnersuumik tunniussaqaqarumavugut:

”Inatsisartunut Siulittaasoqarfik partiit tapiissutaat pillugit periusissamik nutaamik ugartueqqullugu misissueqqissaartoqarnissaanik Inatsisartut aalajangiiffigisassaattut siunnersuut, siunnersuummi siulittaasoqarfik inatsisartunit pisinnaatinneqassasoq partiinut tapiisarnermik periutsimik nutaamik suliaqaqqullugu UPA2023-imi qaqqinneqartussamik”.